



**МОЛИТВЫ  
И  
КАНОНЫ**

**ЧТОМЫЕ  
ПО УСОПШИМ**

# **Молитвы и каноны, чтомые по усопшим**

«Сибирская Благовонница»

2010

Молитвы и каноны, чтимые по усопшим / «Сибирская  
Благовонница», 2010

Отдавая усопшему последний долг, мы чаще всего думаем о том, как достойно проводить его в последний путь, заботимся об организации похорон, устройстве поминальной трапезы, изготовлении памятника. Но усопшему ничего этого уже не нужно. В церковном понимании память об усопшем – это молитвенная память. Основой такой памяти церковной является молитва, обращенная к Богу, Матери Божией, к святым – угодникам Божиим. Святая Церковь призывает нас, живых, молиться об усопших, ибо они уже не имеют возможности молиться за себя. Мы должны молиться о прощении их грехов и о упокоении их душ в обителях Небесных, молиться о том, чтобы благая память Божия о них была вечной... Рекомендовано к публикации Издательским Советом Русской Православной Церкви ИС 12-208-0644

, 2010

© Сибирская Благовонница, 2010

## Содержание

Канон о едином усопшем	5
Конец ознакомительного фрагмента.	12

# Редактор-составитель Е. О. Фомина

## Молитвы и каноны, чтимые по усопшим

### Канон о едином усопшем

Молитвами святых отец наших, Господи Иисусе Христе Боже наш, помилуй нас. Аминь.  
Святой Боже, Святой крепкий, Святой безсмертный, помилуй нас. *(Читается трижды, с крестным знаменем и поясным поклоном)*

Слава Отцу и Сыну и Святому Духу, и ныне, и присно, и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне, и присно, и во веки веков. Аминь.

Отче наш, Иже еси на небесех, да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй. *(12 раз)*

Слава Отцу и Сыну и Святому Духу, и ныне, и присно, и во веки веков. Аминь.

Приидите, поклонимся Царя нашему Богу. *(Поклон)*

Приидите, поклонимся и припадем Христу, Царя нашему Богу. *(Поклон)* Приидите, поклонимся и припадем Самому Христу, Царя и Богу нашему. *(Поклон)*

### Псалом 90

Живый в помощи Вышняго, в крове Бога небеснаго водворится. Речет Господеви: заступник мой еси и прибежище мое, Бог мой, и уповаю на Него. Яко Той избавит тя от сети ловчи, и от словесе мятежна. Плещма Своима осенит тя, и под криле Его надеешися, оружием обыдет тя истина Его. Не убойшия от страха ночнаго, от стрелы летящия во дни, от вещи во тме преходящия, от сряща<sup>1</sup> и беса полуденнаго. Падет от страны твоей тысяща, и тма одесную тебе, к тебе же не приближится. Обаче очима твоима смотриши и воздаяние грешников узриши. Яко Ты, Господи, упование мое; Вышняго положил еси прибежище твое. Не придет к тебе зло, и рана не приближится телеси твоему. Яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнешися о камень ногу твою. На аспида и василиска наступиши, и попереши льва и змия. Яко на Мя упова, и избавлю и; покрыю и, яко позна имя Мое. Воззовет ко Мне, и услышу его, с ним есмь в скорби, изму его и прославлю его, долготою дней исполню его и явлю ему спасение Мое.

Слава Отцу и Сыну и Святому Духу, и ныне, и присно, и во веки веков. Аминь.

Аллилуия, аллилуия, аллилуия, слава Тебе, Боже. *(Трижды)*

Господи, помилуй. *(Трижды)*

---

<sup>1</sup> Срящ – встреча; все, что случается неожиданно.

## Тропарь, глас 8-й

Глубиною мудрости человеколюбно вся стрѣяй и полезная всем подаваяй, Едине Содетелю, упокой, Господи, душу раба Твоего, на Тя бо упование возложи, Творца и Зиждителя и Бога нашего.

Слава Отцу и Сыну и Святому Духу, и ныне, и присно, и во веки веков. Аминь.

*Богородичен:* Тебе и стену, и пристанище имамы, и молитвенницу благоприятну к Богу, Егже родила еси, Богородице Безневѣстная, верных спасение.

## Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя.

Яко беззаконие мое аз знаю, и грех мой предо мною есть выну<sup>2</sup>. Тебе единому согреших и лукавое пред Тобою сотворих, яко да оправдишися во словесех Твоих и победиши, внегда судити Ти. Се бо, в беззакониях зачат есмь, и во гресех роди мя мати моя. Се бо, истину возлюбил еси, безвестная и тайная премудрости Твоей явил ми еси. Окропиши мя иссопом, и очищуся, омыеши мя, и паче снега убелюся. Слуху моему даси радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего и Духом владычным утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая, тогда возложат на олтарь Твой тельцы.

## Канон, глас 8-й

### Песнь 1

*Ирмос:* Воду прошед, яко сушу, и египетского зла избежав, израильтянин вопияше: Избавителю и Богу нашему поим.

*Припев:* **Покій, Господи, душу усопшаго раба Твоего (усопшия рабы Твоея).**

Отверз уста моя, Спасе, слово ми подаждь молитися, Милосерде, о преставлении рабе Твоем (имя), да покоиши душу его, Владыко.

*Припев:* **Покій, Господи, душу усопшаго раба Твоего (усопшия рабы Твоея).**

Мертв быв плотию, Спасе, и во гробе положен с мертвыми, душу раба Твоего покой в месте злачне, яко Милосерд.

Слава: Молѣбный глас мой услыши, Боже Триипостасне, и учини душу преставленнаго в недрах Авраамлих, Избавителю.

---

<sup>2</sup> Выну – всегда.

И ныне: Ты, Пречистая Богородице, Егѡже без искуса мужеска зачѣнши родила еси, моли Сына Твоегѡ подати покой рабу Твоему преставленному (*имя*).

### Песнь 3

*Ирмос:* Небѣснаго круга Верхотвѡрче, Гѡсподи, и Церкви Зиждителю, Ты мене утверди в любви Твоей, желаний краю, верных утверждение, Еди́не Человеколю́бче.

*Припев:* **Покѡй, Гѡсподи, ду́шу усо́пшаго раба́ Твоегѡ (усопшия рабы Твоея).**

В месте злачне, в месте покойне, идѣже липы святы́х веселятся, ду́шу раба́ Твоегѡ преставленнаго покой, Христѣ, Еди́не Милостиве.

*Припев:* **Покѡй, Гѡсподи, ду́шу усо́пшаго раба́ Твоегѡ (усопшия рабы Твоея).**

Идѣже ли́цы святы́х, тамо вчини, Влады́ко, послужившаго Те́бе всем сердцем и воздвигшаго иго Твое на рамо<sup>3</sup> свое, я́ко Един Владыка живота и смерти.

Сла́ва: Небесный Отче Вседержителю, и Сыне Единородный, и Душе Святы́й Исходный, презри уме́ршаго согрешения, и в Церкви первенец всели его, славити Тя со всеми уго́ждшими Те́бе.

И ныне: Яко Мати Святая Пресвятаго Бѡга, Владычице всяческих, Мари́е Богородице, со всеми святыми Сего моли ду́шу покоити раба́ Твоегѡ в небесных селѣниях.

*Если канон читается в составе панихиды, по 3-й и 6-й песнях: ирмос, «Господи помилуй» (40 раз) и молитва «Помяни, Гѡсподи...»*

### Седален, глас 5-й

Покѡй, Спасе наш, с праведными раба́ Твоегѡ, и сего всели во двѡры Твоя́, я́коже есть писано, презирая, я́ко благ, прегрешѣния его вольная и невольная, и вся я́же в ведении и не в ведении, Человеколю́бие.

Сла́ва Отцу́ и Сы́ну и Свято́му Ду́ху, и ны́не, и прѣсно, и во ве́ки веко́в. Ами́нь.

*Богородичен:* От Девы возсиявый миру, Христѣ Бѡже, сыны света Тою показавый, помилуй нас.

### Песнь 4

*Ирмос:* Услышах, Гѡсподи, смотрения Твоегѡ таинство, разумѣх дела Твоя́ и прославих Твое́ Божество.

*Припев:* **Покѡй, Гѡсподи, ду́шу усо́пшаго раба́ Твоегѡ (усопшия рабы Твоея).**

Соше́дый в преисподняя, Христѣ, совоздвигл еси́ уме́ршия вся, и преставляшагося от нас покой, Спасе, я́ко щедр.

*Припев:* **Покѡй, Гѡсподи, ду́шу усо́пшаго раба́ Твоегѡ (усопшия рабы Твоея).**

Никтоже без греха есть, токмо Ты Един, Влады́ко, сего ра́ди преставленному и грехи́ оста́ви, и в рай того всели.

Сла́ва: Услыши, Трѣице Святая, гласы моле́бныя, приносѣмыя Те́бе в церкви о усопшем, и богоначальным Твоим светом озари ду́шу, омраче́нную суетными привержѣ́нии.

И ныне: Родила еси́, Пречистая, без мужеска се́мене, Бѡга соверше́нна и Человека соверше́нна, взѣмлющаго грехи́ на́ша, Дево. Того моли, Госпоже, преставльшемуся рабу Твоему подати покой.

---

<sup>3</sup> Рамо – плечо.

## Песнь 5

*Ирмос:* Просвети нас повелении Твоими, Господи, и мышцею Твоею высокою Твой мир подаждь нам, Человеколюбче.

*Припев:* **Покóй, Гóсподи, дúшу усóпшаго раба́ Твоегó (усопшия рабы Твоея).**

Имьй живота и смерти власть, преставленнаго от нас покой, Христé Бóже, Ты бо еси всех, Спасе, покой и живот.

*Припев:* **Покóй, Гóсподи, дúшу усóпшаго раба́ Твоегó (усопшия рабы Твоея).**

На Тя, Спасе, надежду возложь, умёрый отыде от нас; Ты же, Господи, ущéдри его, я́ко Бог многомилостив.

Слáва: Просвети нас, Трисвяте, воспеваемый Влады́ко, молящихся Тéбе, мир небесный прияти, и в мирных сéлех дúшу вчини́, отшéдшую от временных в надежде безконéчных жизни.

И ны́не: Шуйяго стояния, Пречистая, избавити преставленнаго умоли Сына Твоегó, Дéво Госпоже, я́ко Спаса и Бóга нашего Мати сущая.

## Песнь 6

*Ирмос:* Молитву пролию ко Господу, и Тому возведу печали моя, я́ко зол душа моя испóлнится и живот мой аду прибли́жися, и молюся, я́ко Иона: от тли, Бóже, возведи мя.

*Припев:* **Покóй, Гóсподи, дúшу усóпшаго раба́ Твоегó (усопшия рабы Твоей).**

Ада испровéрг, Влады́ко, воскресил еси́ умёршия от века; и ны́не преставленнаго от нас в нéдро Авраамле Ты, Бóже, всели, прегрешения вся отпустив, я́ко милосерд.

*Припев:* **Покóй, Гóсподи, дúшу усóпшаго раба́ Твоегó (усопшия рабы Твоей).**

Заповедь, ю́же ми дал еси́, Бóже, преступи́х и смертен бых, но Ты, Бóже, сошéдый во гроб и дúши я́же от века воскресивый, не возстави мене, Влады́ко, на мучение, но на покой, преставленный вопиет Тéбе с нами, Многомилостиве.

Слáва: Молим Тя, безначальне Отче и Сыне и Душе Святы́й, злобою душезлобнаго мира озлобленную и к Тéбе, Зиждителю, прешедшую дúшу во адово дно не отрёни, Бóже Спасе мой.

И ны́не: С небесé Христос Бог наш, я́ко дождь на руно, Пречистая, снйде на Тя, напаяя весь мир и иссушая вся безбожныя потоки, наводняяй всю землю разумом Своим, Приснодéво; Того моли дати покой преставленному рабу Твоему.

Гóсподи, помилуй. (*Трижды*). Слáва и ны́не:

## Кондак, глас 8-й

Со святыми упокой, Христé, дúшу раба́ Твоегó (рабы Твоей), идéже несть болезнь, ни печаль, ни воздыхание, но жизнь безконéчная.

## Икос

Сам един еси́ Безсмертный, сотворивши и создавши человека; земнии́ ўбо от земли́ создахомся и в землю́ туюжде пойдем, я́коже повелел еси́, Создавши мя и рекый ми: я́ко земля́ еси́ и в землю́ отыдеши, аможе вси челове́цы пойдем, надгробное рыдание творяще песнь: аллилу́ия, аллилу́ия, аллилу́ия.



## Песнь 7

*Ирмос:* От Иудеи дошедше отроцы, в Вавилоне иногда, верою Трбическою пламень пещный попраша, поюще: отцев Бóже, благословен еси́.

*Припев:* **Покóй, Гóсподи, дúшу усо́пшаго раба́ Твоего́ (усопшия рабы Твоея).**

Влады́ко Христé Бóже, егда хоцеши судити миру, пощади дúшу раба́ Твоего́, егóже от нас приял еси́, вопиющего: отец наших Бóже, благословен еси́.

*Припев:* **Покóй, Гóсподи, дúшу усо́пшаго раба́ Твоего́ (усопшия рабы Твоея).**

В пи́щи райстей, идéже праведных дúши веселятся, послуживших Тéбе, причти с ними, Христé, дúшу раба́ Твоего́, воспéвшаго: отец наших Бóже, благословен еси́.

Слáва: Иудéйския три отроки спасый во огни, в Три́ех Ли́цах воспетый, избáви огня вéчнаго усо́пшаго, воспéвшаго Ти верно: отец наших Бóже, благословен еси́.

И ны́не: Влады́ку Христа рóждшая, всех Бóга, власти тёмныя воздушнаго князя избáви, Дéво, дúшу преставля́шагося в вере и воспéвшаго: отец наших Бóже, благословен еси́.

## Песнь 8

*Ирмос:* Седмерицею пещь халдейский мучитель богочестивым неистовно разжжé, силою же лучшею спасены сия виде́в, Творцу и Избавителю вопия́ше: отроцы благословите, священницы воспóйте, людие превозносите во вся вéки.

*Припев:* **Покóй, Гóсподи, дúшу усо́пшаго раба́ Твоего́ (усопшия рабы Твоея).**

Скончав течение и к Тéбе прибе́гох, Гóсподи, преставленный вопиет ны́не, прегрешения оста́ви, Христé Бóже, и не осуди мене, егда хоцеши судити всем, верно бо Тéбе взывах: вся дела Господня, Господа по́йте и превозносите Его во вéки.

*Припев:* **Покóй, Гóсподи, дúшу усо́пшаго раба́ Твоего́ (усопшия рабы Твоея).**

Понéсшаго, Влады́ко, и́го Твоé на раме своем, и бремя Твоé легкое, аще и не всегда, обаче в месте преподобных Твои́х всели дúшу его, воспéвшаго Тéбе, Христé Спасе: отроцы благословите, священники воспóйте, людие превозносите Его во вéки.

Слáва: Безначальная Трби́це Свя́тая, Бóже Отче и Сыне и Душе Святы́й, в лице святы́х причти дúшу преставленнаго раба́ Твоего́ и огня вéчнаго избáви, да Тя хвалит, воспе́вая во вéки: отроцы благословите, священники воспóйте, людие превозносите Его во вéки.

И ны́не: Ты, Дéво, пророчестии ли́цы прореко́ша, прозя́ще бо Ты прозорли́выма очима́: ов у́бо жезл нарече́ Ты, ин же дверь восточную, ов же гору челове́ки несекóмую. Мы же исповедуем Тя вои́стинну Богороди́цу, Бóга всяческих рóждшую, Егóже моли упоко́бити преставленнаго во вéки вся.

## Песнь 9

*Ирмос:* Ужасéся о сем небо, и земли́ удиви́шася концы, я́ко Бог яви́ся человеком плотски, и чрево Твоé бысть пространнейшее небес. Тем Ты, Богороди́цу, Ангелов и человек чинонача́лия величают.

*Припев:* **Покóй, Гóсподи, дúшу усо́пшаго раба́ Твоего́ (усопшия рабы Твоея).**

Иисýсе Бóже мой, Спасе, Ада́мле Ты взял еси́ преступление и смерти вкусил еси́, да челове́ки от ней свободи́ши, Милосéрде. Тёмже молим Тя, Милостиве: преставленнаго покой, я́ко благ, во двóрех святы́х Твои́х, я́ко Един всеблагий и милосердый.

*Припев:* **Покóй, Гóсподи, дúшу усо́пшаго раба́ Твоего́ (усопшия рабы Твоея).**

Несть никто́же, Милосе́рде, иже не согреши в челове́цех, токмо Ты един, Иису́се Христе́, взема́й грехи́ всего́ мира. Те́мже, очистив раба́ Твоего́ от прегрешений, вчини во святы́х Твои́х дворах, Ты бо живот еси́ и покой, и свет, и веселие всех, Тебе́ благоугоди́вших.

Сла́ва: Удиви́ся все естество́ человеческое, како безнача́льнаго Отца́ Сын сын единоро́дный, плоть от Девы́ действом Святаго́ Духа приял еси́, и пострадал еси́ я́ко человек, да уме́ршия оживи́ши. Тем и преста́вленнаго ны́не от нас, прилежно молим Тя, во стране́ живых, я́ко Благ, всели.

И ны́не: Невесту́ Тя нарицаем, Пречистая, Отца́ невидимаго, и Матерь Сына, из Тебе́ Духом Святым воплоще́ннаго, и моле́бницу Тя о усопшем рабе́ Твоем, предлагаем: Тебе́ бо помощнику́ и́мамы, земний, и любви́ю поюще́ Тя величаем.

Досто́йно есть я́ко вои́стинну блажи́ти Тя, Богородицу, Присноблаже́нную и Пренепоро́чную и Матерь Бо́га нашего. Честнейшую Херувим и славнейшую без сравнения́ Серафим, без исле́ния Бо́га

Слова́ рождшую, сущую Богородицу Тя величаем. *(Поклон)*

*Если канон читается в составе панихиды, вместо «Досто́йно...» повторяется ирмос 9-й песни канона.*

Святы́й Бо́же, Святы́й кре́пкий, Святы́й безсме́ртный, поми́луй нас. *(Трижды)*

Сла́ва Отцу́ и Сы́ну и Свято́му Ду́ху, и ны́не, и при́сно, и во ве́ки веко́в. Ами́нь.

Пресвята́я Трѳи́це, поми́луй нас; Го́споди, очисти́ грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. *(Трижды)*

Сла́ва Отцу́ и Сы́ну и Свято́му Ду́ху, и ны́не, и при́сно, и во ве́ки веко́в. Ами́нь.

Отче наш, Иже еси́ на небесе́х, да святѳ́тся и́мя Твое́, да прии́дет Ца́рствие Твое́, да бу́дет во́ля Твоя́, я́ко на небеси́ и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оста́вляем должни́ком на́шим; и не введи́ нас во иску́шение, но изба́ви нас от лука́ваго.

### Тропари, глас 4-й

Со ду́хи праведных скончавшихся ду́шу раба́ Твоего́ (рабы Твоей), Спасе, упокой, сохра́ня ю во блаженней жизни, я́же у Тебе́, Человеколю́бче.

В покои́щи Твое́м, Го́споди, иде́же вси свѳ́тии Твой упоко́еваются, упокой ду́шу раба́ Твоего́ (рабы Твоей), я́ко Един еси́ Человеколю́бец.

Сла́ва: Ты еси́ Бог, соше́дый во ад и узы окованных разреши́вый, Сам и ду́шу раба́ Твоего́ (рабы Твоей) упокой.

И ны́не: Еди́на чистая и непоро́чная Де́во, Бо́га без се́мене рожда́ющая, моли́ спасти́ся ду́ши его́ (ей).

Го́споди, поми́луй. *(40 раз)*

### Молитва

Помяни, Го́споди Бо́же наш, в вере и наде́жди живота ве́чнаго преста́вляшагося раба́ Твоего́ (преста́вляющуюся рабу Твою́) *(и́мя)*, и я́ко благ и Человеколю́бец, отпу́щаяй грехи́ и потре́бляяй неправды, осла́би, оста́ви и прости́ вся вольная его́ (ея́) согрешения́ и невольная, изба́ви его́ (ю) вечны́я муки́ и огня́ ге́енскаго, и даруй ему́ (ей) прича́стие и наслажде́ние вечных Твои́х благих, уготованных любя́щим Тя: аще́ бо и согреши́, но не отступи́ от Тебе́, и несумне́нно во Отца́ и Сы́на и Святаго́ Духа, Бо́га Тя в Трѳи́це славимаго, ве́рова, и Еди́ницу в Трѳи́це и Тро́ицу во Еди́нстве правосла́вно даже до после́дняго своего́ издыха́ния испове́да. Темже́ милостивому́ (той) буди, и веру, я́же в Тя, вместо́ дел вмени́, и со свѳ́тыми Твоими́, я́ко ще́др, упокой;

нестъ бо человека, иже поживёт и не согрешит, но Ты Един еси́ кроме всякаго греха и правда Твоя правда во вѣки, и Ты еси́ Един Бог милости и щедрот, и человеколюбія, и Тѣбе славу возсылаем, Отцѹ и Сыну и Свято́му Дѹху, ны́не и присно и во вѣки веко́в, аминь.

## **Конец ознакомительного фрагмента.**

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.